

MAGBALIK-ISLAM

USA KA ABLI NGA IMBITASYON

GISULAT NI:
AHMAD RICALDE

GIHUBAD SA PULONG NGA BINISAYA SA:
PHILIPPINE ELECTRONIC DAWAH CENTER

باللغة الفلبينية - بيسايا

BISAYA

مركز الدعوة والإرشاد
AYAH FOR CALL AND GUIDANCE CENTER



PHILIPPINE ELECTRONIC
DA'WAH CENTER

MAGBALIK ISLAM

USA KA ABLI NGA IMBITASYON

GISULAT NI:

AHMAD RICALDE

GIHUBAD SA PULONG NGA BINISAYA SA:

PHILIPPINE ELECTRONIC DAWAH CENTER

Sa ngalan ni Allah, ang Labing Madagayaon, ang Labing Maloloy-on

Magbalik-Islam

Usa ka abli nga imbitasyon

Ang pagdayeg alang lang sa Allah, ang Ginoo sa mga binuhat. Hinaut nga ihatag ni Allah ang iyang kalinaw ug mga panalangin sa katapusang Propeta nga si Propeta Muhammad (SAS)¹, sa iyang pamilya ug mga kauban ug tanang tawo nga nagtunob sa sakto nga dalan Magbalik sa Islam, kini usa ka pagdapit nga adunay lawom nga kahulogan. Magbalik Islam, usa ka pagdapit nga gigamit sa mga Muslim sa

1: (Sallallahu Alayhi Wa Sallam) nga nagpasabot: Hinaot ang kalinaw ug ang mga panalangin ni Allah maanaa sa iya. Kini usa ka pulong nga nagpasabot sa pagtahod nga gitudlo ni Propeta Muhammad sa matag higayon nga gihisgutan ang ngalan sa bisan kinsa nga Propeta sa Allah.

ilang pagsangyaw sa Pulong ni Allah (SWT)¹. Pagdapit nga gigamit sa usa ka Muslim sa pag-awhag sa tawo nga mobalik sa tinuod nga relihiyon nga gihatag kaniya ni Allah. Ang Allah (swt) miingon sa Balaang Qur'an:

“Imbitaha (ang katawhan) sa dalan ngadto sa imong Ginoo (sa Islam) nga adunay kahibalo (sa pagpadayag sa Balaan nga Qur'an) ug sa matarong nga pagsangyaw, ug pakighisgut kanila sa labing maayo nga pamaagi. Sa pagkamatood! Hingpit nga nahibal-an sa Ginoo kon kinsa ang nahisalaag sa Iyang dalan, ug labing nahibal-an Niya kung kinsa ang nagiyahan.” Qur'an 16:125.

1: (Subhanahu Wa Ta'Ala) nga nagpasabut nga Himaya sa Allah, ang Labing Hataas

Nganog magbalik-Islam? Unsa ang gustong ipasabot sa pulong nga Islam? Ug ngano kinahanglan nga mobalik dinhi?

Duha nga mga hinungdan ngano nga kinahanglan mobalik sa Islam:

1.Tungod kay kini ra ang gihatag nga relihiyon sa Diyos sa tanan Niya nga minugna.

2.Tungod kay kini usab ang una nga gisunod nga relihiyon sa mga katigulangan nga Pilipino sa wala pa ang pag-abot sa Mga Katsila o Kristiyanismo.

UNSA ANG ISLAM?

Ang Islam usa ka pulong nga Arabiko nga nagpasabot nga hingpit nga pagtugyan ug pagpasakop. Kung gigamit kini sa Relihiyosong termino, ang kahulugan niini mao ang hingpit nga pagpasakop ug pagsunod sa usa ka Dios-Allah (swt).

Ang "Islam" gikan sa pulong nga "Salam" nga ang pasabot mao ang kalinaw, Bisan kinsa nga hingpit nga nagpasakop ug nagsunod sa mando sa Allah (swt) makadawat gikan Kaniya og tinuod nga kalinaw.

KINSA ANG MGA MUSLIM?

Ang pulong nga Muslim usa ka termino alang sa mga binuhat nga hingpit nga

nagpasakop ug masunuron sa mando sa Allah (swt).

KINSA ANG ALLAH?

Ang Allah (swt) mao ang tinuod ug bugtong nga Diyos, Magbubuhat. Wala Siya manganak, wala Siya Gipanganak ug Siya nag-inusara. Dili siya Diyos ra sa mga Muslim o sa usa ka tribu o grupo sa mga tawo, kundili Siya mao ang Diyos sa tanan ug Siya ra ang angayan nga simbahon ug wala nay lain pa. Siya ra ang gisimba sa tanan nga mga Propeta sukad kang Adan nga una nga tawo nga Iyang gilalang.

Si Allah (swt) tin-aw nga gipadayag Ang iyang kaugalingon sa mosunud nga bersikulo:

"Allah, wala'y tinuod nga Diyos nga angay simbahon gawas Kaniya. Ang Buhi, Ang Walay katapusan. Ang pagkahingatulog ug pagkatulog layo Kaniya. Kaniya ang tanan sa langit ug sa yuta. Kinsa ang makapangamuyo Kaniya gawas sa Iyang pagtugot ? Nahibal-an Niya ang nangagi o ang umaabot ug bisan ang dili makita (sa Iyang mga nilalang) Wala'y makakab-ot sa Iyang kinaadman gawas sa gustohon Niya. Ang Iyang Trono nagaabot sa mga langit ug yuta, ug wala Siya gibatig kakapoy sa pagpabilin kanila, kay Siya ang Labing Hataas, ang Labing Balaan."
Qur'an 2:255.

Gipadayon sa mga Muslim nga tawagon Siya sa Iyang ngalan nga Allah (swt)

tungod kay Siya mao mismo ang naghatag sa Iyang ngalan sa pinaagi sa pagpadayag nga Iyang gipadala sa Iyang Propeta.

DUHA KA MATANG SA PAGSUNOD SA DIOS (ALLAH)

Adunay duha ka matang sa pagpasakop ug pagsunod sa nag-inusarang Magbubuhay ug Ginoo sa tanan.

1. Kinaiyahan nga pagsunod (inheret). Ang Kinaiyahan ug dili kalikayan nga pagsunod sa kabubut-on sa Allah (swt). Ang tanan nga gilalang sakop sa gitawag nga "natural nga pagsunod". Wala gayod bisan kinsa ang gihimo sa

Allah (swt) nga mahimo nga nagdumili ug mosupak sa Iyang mga kasugoan.

PANANGLITAN: Ang adlaw gihatagan sa Allah (swt) sa balaod nga mosubang ug musalop sa oras nga gibutang kaniya. Ingon usab, magpadayon kini sa lugar nga gitudlo kaniya. Dili moduol o mopalayo bisan gamay sa kalibutan ug ang buluhaton niini mao ang paghatag og kahayag, kainit, ug uban pa.

Ug tungod niini ang adlaw nailalom sa mao nga gitawag nga "Kinaiyanhon nga pagsunod" tungod kay gihimo lang niini ang mando ra sa Allah (swt) sa wala'y pagsupak sukad gibuhat kini.

Ang hangin, tubig, kalayo, mga kahoy, hayop ug uban pa, kini sila tanan gibuhat ni Allah (swt) nga adunay tagsatagsang mando nga ilang gisunod. Sa literal nga sinultian, anaa sila sa ilalom sa "Natural nga pagsunod".

Ingon usab, mahimo sila nga literal nga tawgon nga mga Muslim tungod kay ang Muslim mao kana sila nagpatuman sa mando sa Allah (swt) ug hingpit nga nagpasakop Kaniya. Ang tinuod nga Muslim mao ang kadtong hingpit nga nagsunod sa mga balaod ni Allah (swt) ug Siya ra ang hatagan sa pagsimba.

Kinahanglan usab nato nga maamgohan nga ang usa ka tinuod nga Muslim Dili kadtong nag-ingon nga siya Muslim o natawo sa usa ka nasod nga

Muslim, ug dili usab kadtong mga ginikanan niya Muslim, Dili kini ang ilhanan sa tinuod nga Muslim.

2. KINABUBUT-ONG PAGSUNOD (Willful Obedience).

Ang KINABUBUT-ONG PAGSUNOD nga gibuhhat sa mga mando sa Allah mao ang pagsunod nga adunay pagpili. Mahimo niya kining sundon o dili. Libre siya nga magdesisyon sumala sa iyang gusto. Adunay duha ka Matang niini nga Gibuhhat ni Allah (swt) nga Iyang gihatagan og kagawasan sa pagpili ug paghukum uyon sa ilang kaugalingon nga mga gusto. Kini ang Jinn (engkanto) ug ang tawo.

Ang pagtuman sa mga mando sa Allah sa kinabubut-on (swt) kini ang matawag nga Muslim, Muslim sa diwa sa tinuod nga pagsunod sa mando sa Diyos, dili pagpugos apan tinuyoan kini.

Sa akong pasiuna nga pagpatin-aw, gihisgutan nako nga kinahanglan kita mobalik sa Islam, tungod kay kini ang relihiyon sa tanan nga gilalang sa Diyos. Gihisgot nako nga ang tawo gihatagan og kagawasan mamili aron siya mapailalom sa **KINABUBUT-ONG PAGSUNOD** (Willful Obedience). Lakip niining kagawasan nga pilion ang relihiyon nga gihatag ni Allah (swt) kanato : Kini ang Al-Islam.

ANG KASAYSAYAN SA ISLAM SA PILIPINAS

Ang ikaduha nga hinungdan ngano nga nagdasig ako

Kaninyo magbalik-Islam tungod usab sa gitago nga kasaysayan sa relihiyon diri sa atong nasod.

Sa wala pa miabot ang lainlaing mga pagtulun-an sa Pilipinas bahin sa pagtuo, anaa na sa atong mga katigulangan nga mga Pilipino nga mosimba sa Diyos. Bisan pa dili kini uyon sa tinuod, tungod kay sila nahisakop sa gitawag nga "ANIMIST" o tawo nga nagsimba hapit sa tanan nga mga butang gawas sa Dakong Magbubuhat. Ang atong mga

katigulangan nagsimba sa mga bukid,adlaw, bulan, bituon, kahoy, kilat, dalugdog, kalayo ug uban pa, apan sa pag-abot sa mga pagtolon-an sa Islam ,ang tinuod nga relihiyon gikan sa Allah (swt), adunay usa ka hingpit nga pagbag-o sa ilang kinabuhi ug relihiyon. Natukod ang usa ka komunidad sa Muslim, apan kini wala nagdugay. Pag-abot sa mga langyaw nga Espanyol gisakop nila ang Pilipinas ug gipuwera kini ilisan ang relihiyon nga Islam pinaagi sa tumoy sa espada.

Ang relihiyon nga Islam una nga gipahibalo sa Pilipinas kaniadtong tuig 1380 sa usa ka Arabo Sharif Makhdum, gitukod niya ang una nga Masjid sa Pilipinas sa Tubig Indanan, Simunul,

Tawi Tawi. Si Makhdum namatay sa Isla sa Sibutu ug didto usab siya gilubong.

Kaniadtong tuig 1390, si Rajah Baginda miabot sa nasod sa Pilipinas ug gipadayon niya ang nahabiling buhat ni Sharif Makhdum. Ingon usab, ni-abot si Abu Bakr sa Jolo kaniadtong tuig 1450 ug wala nagdugay naminyo siya sa anak nga babaye ni Rajah Baginda nga si Prinsesa Paramisuli. Si Abu Bakr mao ang nagpasiugda sa "Sultanate" sa Sulu. Siya ug ang iyang asawa ang una nga Sultan ug Sultana.

Pagkahuman nga matukod ang Islam sa Sulu, ang mga Muslim ningbalhin padulong sa Mindanao sa pagpanguna ni Sharif Kabungsuwan. Midonggo sila

sa Maguindanao (karon Cotabato) kaniadtong tuig 1475, ug wala midugay gikasal siya kang Prinsesa Tunina. Sila ang una nga Sultan ug Sultana sa Maguindanao.

Sa misunod nga mga tuig, daghang mga Muslim nga gitawag og DATU gikan sa Borneo ang ning-anhi sa Pilipinas sa diha nga ilang nabati ang maayong pagdawat sa mga Pilipino.

Ang napulo nga mga Datu gikan sa Borneo midonggo sila sa Panay. Kini nga mga Datu mao sina Datu Puti, Datu Sumakwel, Bangkaya, Dumangsol, Paiburong, Paduhinog, Ubay, Dumangsil, Dumalogdog ug Balensula (karon Valenzuela). Si Datu Puti ang nangulo sa kini nga grupo tungod kay

naanad siya sa paglawig. Midonggo sila sa San Joaquin, Iloilo (naila sa una nga Siwaragan).

Gipalit nilang Datu Puti ug sa iyang siyam (9) nga kauban ang ubos nga bahin sa Iloilo kang Marikudo, ang pinuno sa mga Itas (pygmies). Gitukod nila dinhi ang kolonya o komunidad sa Islam. Ug kadtong hingpit na nagtukod ang komunidad sa Islam sa mga Borneans sa Panay. Sila Datu Puti, Datu Balensula ug si Dumangsil Naglawig padulong sa norte ug sila midonggo sa Batangas.

Gitukod nila Datu Balensula ug Datu Dumangsil ang ilang komunidad sa Batangas apan Mibalik si Datu Puti sa

Borneo ug mitabok sa Mindoro ug Palawan. Pag-abot niya sa Borneo

iyang giasoy ang ilang nasinati. Hinungdan kini nga adunay daghang mga Borneans nadani nga moadto sa Pilipinas.

ANG PAG-ABOT SA MGA ESPANYOL UG KRISTIYANISMO

Sa Pag-abot ni Magellan sa Limasawa sa Marso 16, 1521, ang tibuok kapoloan nga gitawag karon og Pilipinas usa na ka nasod nga Muslim. 144 katuig na ang relihiyon nga Islam sa nasod sa Pilipinas sa wala pa ang pag-abot sa mga Katsila o Kristiyanismo. Usa ka

nasod nga nagsimba lamang sa usa ka Dios, Allah (swt).

Sa pagkamatood nga nasulat sa kasaysayan sa Pilipinas nga sa dihang miabot si Legaspi (puli sa namatay nga si Magellan), ang komunidad sa mga Muslim hingpit na gayod nga natukod sa Batangas, Pampanga, Mindoro, Panay, Catanduanes, Cebu, Samar, Manila, Palawan, Mindanao ug Sulu. Ang una nga Muslim nga nakigbisog isip pagpanalipod sa Pilipinas ug relihiyong Islam batok sa mga langyaw mao gayod si Gat Lapu-lapu.

Kaniadtong Hunyo 3, 1571 middeklarar ang mga Katsila og usa ka dakong gubat sa mga Muslim sa Maynila. Ang Maynila nga kaniadto gina-ulohan ni

Rajah Solayman. Maisogon niyang gidepensahan ang Maynila ug Islam hangtod sa katapusang tulo sa iyang dugo didto sa Bangkusay sa baybayon sa Tondo. Pagkahuman nga gipildi sa mga Katsila si Rajah Solayman lakip ang iyang mga kaalyado, gipang-patay sa mga kastila ang daghang mga Muslim, bata man o tigulang. Bisan pa niadto ,ang mga Muslim lig-on ug maisug nga nakadepensa hangtod sa ilang katapusan nga ginhawa.

Tungod sa dili maayo nga klase ang mga armas sa mga Muslim (bolo ug sibat) kontra sa mga pusil ug kanyon sa mga Katsila, napugos sila sa pag-atras ug pagbakwit sa lalawigan sa Rizal ug kana nga lugar naila karon nga Morong

Rizal, ug sa kadtong mganamakwit padulong sa mga kilid sa suba nga gitawag karon nga Tagalog (taga-ilog) sama sa Cavite, Laguna ug uban pa. Ang mga Muslim sa lungsod sa Rizal nagpadayon sa pakig-bisog sa mga Katsila ug ang kana nga dapit karon naila nga Binangonan Rizal. Gitukod sa mga Katsila ang ilang punoan nga opisina sa Maynila ug nagpadayon sila sa pagsakop sa Isla sa Bisaya. Ang mga Muslim nga wala namatay sa giyera mao ang napugos sa pagsalikway sa relihiyong Islam ug gidangop ang relihiyon sa mga Katsila nga mao ang Kristiyanismo pamaagi sa tumoy sa espada. Apan mas gusto sa mga matinud-anon nga Muslim ang

lubnganan kaysa biyaan ang Islam-pagsamba sa usa ka Diyos.

Walay hunong ang mga Katsila sa pagpanakop ug nagtinguha sila nga sakupon usab ang Mindanao apan ang mga Muslim dinhi sama sa Maranaw, Maguindanao, Tausog, Yakan, Samal ug Sangil mao sila ang maisug nga nakadepensa ug wala nila gitugotan ang mga gitinguha sa mga langyaw. Nagdepensa sila kaniadto ug sa hangtud karun ilaha gihapon kining gidepensahan.

Gipuy-an sa mga Katsila ang Pilipinas sa mga upat ka gatus ka tuig (400). Taas nga panahon nilang gipaningkamotan pagpatay ang tanan nga mga Muslim aron mawala gikan sa

kasaysayan sa Pilipinas ang relihiyong Islam, apan sila napakyas, hangtod sa ang pagpangulo sa Espanya nahuman kaniadtong tuig 1898 sa dihang gisakgaw ang Pilipinas sa mga Amerikano.

Nakasinati man og temporaryo nga pagkaulipon ang bansang Pilipinas, ang relihiyong Islam nga gihatag sa Dakong Magbubuhat magpabilin nga nagatindog ug lig-on, nga dili matarug.

ANG TAWO NGA NAPAILALOM SA "FITRAH"

Ang tawo napailalom sa natural nga pagsunod, sukad sa pagpanganak sa iyang inahan kaniya, ug siya nagsalig sa

grasya ug pag-giya ni Allah (swt). Niining panahona, dili siya mosupak sa tanan nga mga sugo nga gibutang sa Dios alang kaniya hangtod nga naabot niya ang sakto nga edad ug pangutok.

Sa kini nga bahin sa kinabuhi sa tawo naa siya sa ilalom sa gitawag nga "FITRAH" (Arabiko) nga ang kahulugan mao ang natural nga pagsunod sa tawo sa kabubut-on sa Diyos (Natural inclination of man to obey God). Kini nga kahimtang sa tawo nga anaa sa ilalom sa "FITRAH" dili mawala, apan mahimo kining Masalaag o mahalayo.

Tungod kay ang bata wala pay kusog ug walay bisan pay huna-huna ug salabutan sa pagpili ug paghukum uyon sa iyang kaugalingon nga kabubut-on,

musunod ra siya sa tanan nga gustong buhaton sa iyang mga ginikanan, o mga tawo'ng nag-alima ug nagpadako kaniya. Ang mga tawo sa iyang palibot mao ang makapag-giya kaniya sa husto o sayup nga dalan sa pagsimba.

Sa usa ka Hadith ni Propeta Muhammad (sas), siya miingon: "Ang matag bata nga gipanganak anaa sa ilalom sa FITRAH, apan ang iyang mga ginikanan ang nagpaHudyo, Kristiyano, o Pagano kaniya" (Sahih Muslim - English trans. vol. 4, page 1398 # 6423)

Mao nga , kung ang usa ka tawo mabuhi nga nag-inusara ug nahalayo sa bisan unsa nga sibilisasyon, mabuhi siya nga mosimba sa bugtong nga Diyos nga

naglalang kaniya. Mao to dili gayod siya mahitabo nga mahimong usa ka Judio, Kristiyano, o usa ka Pagano (sama sa Hinduismo o Budismo). Sigurado nga ang iyang simbahon mao ra ang Diyos nga nagbuhat sa Langit ug Yuta ug sa tanan nga binuhat, kay kini ang iyang natural nga relihiyon. Kini tungod kay ang iyang Fitrah (Natural nga Pagsunud) sa Diyos wala mahugawan sa bakak nga pagtolon-an.

Sama sa lawas sa bata o sa tawo, sa sinugdanan kini nagpasakop sa mga balaod nga gitakda sa Allah (swt). Ingon usab, iyang kasingkasing ug kalag nagtinguha sa pagsunod, pagpasakop o pagtugyan kang Allah (swt). Apan ang iyang mga ginikanan o tigbantay nga

nagpadako kaniya gitudloan siya sa pagsunod sa ilang mga kaugalingong mga tinuohan. Ang kini nga mga tinuohan mga pagtulon-an ug kasugoan ra sa tawo, dili kini mando sa Dakong Magbubuhat.

Sa pagdako sa bata o sa iyang pagtigulang, kasagaran wala niya pilia ang relihiyon nga iyang ginatuohan , kundili kini hinimo lamang sa mga tawo nga naa sa iyang palibot nga maoy iyang gisunod.

Apan sa pag-abot sa tawo sa husto nga edad ug mentalidad, ug adunay kapasidad sa pagpili sa maayo ug daotan, kinahanglan na

niyang mahibal-an ang tibuok nga kamatuoran. Angayan na siya nga mopili ug mohukum uyon sa kaugalingon nga kabubut-on ugpangutok. Katungod niya ang pagpili ug pagsunod sa tinuod nga relihiyon nga gihatag ni Allah (swt), ang pagpasakop lamang Kaniya. Sa kini nga kahimtang, mapailalom siya sa “Boluntaryongpagsunod (willful obedience) kang Allah (swt).

“Ug gipakita namo kaniya ang duha ka dalan (maayo ug daotan).” Qur’an 90:10

PASIDAAN! Sa kini nga bahin sa kinabuhi sa tawo, si Satanas molihok hangtod sa ipadayon sa tawo ang

sayop nga relihiyon. Gigamit ni satanas ang mga ginikanan, igsoon, asawa, anak, paryente, higala, trabaho, mga silingan, ug uban pa, aron mapadayon niya ang tawo sa bakak nga relihiyon nga iyang namatahan.

Dinhi mahimong masulayan ang paghukum sa usa ka tawo kung giunsa niya paggamit ang iyang kagawasan sa pagpili sa tinuod nga relihiyon nga gikahimut-an sa Diyos nga nagbuhat kaniya. Sa kamatuoran dako nga bahin sa mga tawo nag-ingon nga aduna silay gisunod nga relihiyon. Apan ang relihiyon nga ilang gitoohan dili sila ang nagpili. Kini namat-an lang nila o gipagakus kanila, Wala sila nagapili ug wala sila magbuot.

Ang matag tawo gitagaan ni Allah (swt) sa kagawasan nga mopili, apan gigamit ba ang kani nga kagawasan? Kauban ba ka sa mga tawong wala gipili ang relihiyon nga gisunod ug gitoohan?

Kung gipili nimo ang pagsunod sa "FITRAH", ang imong natural nga Pagsunud ug pagsamba sa usa ka Dios - Allah (swt), tabangan ka Niya, tungod kay giingon sa Balaang Qur'an:

“Ug bisan kinsa ang gigusto ni Allah nga maggiyahan, Ablihan niya ang dughan sa Islam ... ” Qur'an 6:125

Hinumdomi: Kini ang duha nga klase sa pagsunod, natural nga pagsunod ug Kinabubut-on nga pagsunod.

Kinahanglan nato hunahunaon nga wala’y binuhat sa kalibutan nga gihimo ni Allah (swt), bisan pa man naglihok o wala, adunay ginhawa o wala, naghunahuna o wala, ug kung Jinn o tawo, nga wala nasakop sa relihiyon nga Iyang gihatag - Islam, nga nagatudlo sa pagsimba lamang sa Allah (swt). Atong Makita sa Balaan nga Qur’an:

"Wala nako buhata ang Jinn ug ang tawo gawas lang na Simbahon nila ako."
Qur’an 51:56

Ang ISLAM dili usab bag-ong relihiyon ug dili pud magbag-o, ug labi nga dili makaraan o malipasan og oras. Kini magpabilin hangtod sa kahangturan ingon nga pagsimba sa usa ka Diyos - Allah (swt).

Kini ang relihiyon nga dili ra alang sa mga tawo ,kundili kini usab ang relihiyon sa tanan nga gimugna bisan sa langit, sa yuta o sa tubig, anaa sila sa pagsimba ug pagdayeg kang Allah (swt) nga nagbuhat kanila.

“Nagpangita ba sila og lain gawas sa relihiyon sa Allah, samtang ang tanan nga binuhat sa langit man o sa yuta nagasunod Kaniya, kinabubut-on man o dili, ug Kaniya mobalik ang tanan.”
Qur'an 3:83

"Ang pito ka langit ug ang yuta ug ang tanan didto nagadayeg Kaniya, ug wala bisan unsang gilalang nga wala magtanyag og pagsimba Kaniya; apan ang ilang pagdayeg dili ninyo masabtan." Qur'an 17:44

“Nalipay ang langit, ug Nagmayaa ang yuta; ug ang dagat milanog ug ang tanan nga anaa kaniya; Nalipay ang kapatagan ug ang tanan nga anaa kaniya; unya ang tanang kahoy sa bukid mokanta sa kalipay; sa atubangan sa Ginoo; kay siya padulong.”(Bibliya) Salmo 96:11-13

Kini nga mga bersikulo sa Balaan nga Qur'an ug sa Bibliya usa ka malig-on nga pagpamatuod nga walay gilalang nga dili modayeg kang Allah (swt) ug nagsimba Kaniya, tinuod nga ang tanan naa sa ilalom sa relihiyong Islam KINI ANG KAMATUORAN! Adunay usa ra nga magbubuhat ug ang tanan nga Iyang gihimo angay nga mosimba, magpasakop ug magtuman ra sa Iyang

mga kasugoan. Kung ang tanan nga binuhat nagsimba kang Allah (swt) ang usa nga Diyos, angay ba nga dili ka mo-apil kanila?

Kung napalayo lang ka og gituohan, gipahisalaag o gitudloan og sayop nga relihiyon sa laing tawo, kinahanglan ka nga Modisisyon ug pili-a ang pagsunod sa kabubut-on sa Diyos. Balik sa Iyaha!

MAGDISISYON KA, MAGBALIK-ISLAM KA

Kini ang una nga hinungdan kon ngano nga ikaw angayan Magbalik sa Islam, tungod kay kini ang tinuod nimo nga relihiyon, ang relihiyon sa tanan nga

mga binuhat, ang relihiyon bisan sa atong mga Katigulangan.

KATAPUSANG PULONG

Kini ang tinubdan nga mensahe niining libro, nga usa ra ang relihiyon nga gihatag sa Diyos alang sa tanan nga Iyang mga gilalang, ang relihiyon nga Islam. Ug ingon usab, kini ang unang relihiyon nga gidangop sa atong mga katigulangan nga mga Pilipino sa diha nga sila nahigmata sa kamatuoran, ug gisunod nila nga adunay pagkabalaan.

Hinumdomi, dili kini bag-ong relihiyon nga mupoli sa imong pagtuo, kundili kini ang kaniadto nimong relihiyon nga ilang gipulihan.

Panahon na aron mopili ka sa imong relihiyon nga imong gamiton sa imong kinabuhi. Kung nahisalaag ka, o nawala, ikaw ang magbuot. Sunda ang kabubut-on sa Dakong Magbubuhay, Allah (swt). Balik na sa Islam!

USA KA ABLI NGA IMBITASYON

"Ug kinsa ang magtinguha og laing relihiyon gawas sa Islam, dili gayod kini pagadawaton gikan kaniya, ug sa pikas kinabuhi ikauban siya sa mga tawong ang mga binuhatan wala'y kapuslanan."

Qur'an 3:85

Dugang Pahinumdom:

Ang tanan nga mga Propeta sama sa nagasunod: Noah, Abraham, Moises, Jesus, ug Muhammad (Ang Kalinaw ug

Panalangin sa Allah maanaa kanila) usa ra ang gihatod nga mensahe sa katawhan, kini aron simbahon ang usa ra nga Diyos, Allah (swt), ug dili magbutang og kauban Kaniya sa Iyang Himaya.

Ayaw tugoti nga molabay ang bulawanong higayon nga mabasa ang Balaan nga Qur'an, ang nag-inusara nga Balaang Basahon sa Diyos nga nasulat sa putli ug orihinal nga Pinadayag.

Hibal-i ang kamatuoran bahin sa tinuod nga relihiyon nga gipadala sa Magbubuhay sa wala pa miabot kanato ang oras sa kamatayon. Sigurado, kon ang tawo patay na, dili na siya pwede mobalik dinhi sa kalibotan aron

modisisyon nga modangop ug sundon
ang relihiyon nga gihatag sa Dakong
Magbubuhay (Allah).

كتاب :

عد إلى الإسلام

تأليف:

أحمد ريكالدي



مركز بيت الله دعوة والاستشارة
AYAH
AYAH FOR CALL AND GUIDANCE CENTER

 ayah.phil

 ayah_phil

 ayah.phil

 ayah_phil



PHILIPPINE ELECTRONIC
DA'WAH CENTER



@edcphil